



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'ALUA, 7 KEPAKEMAPA, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

Kalani Ka'anā'anā, Chair	-	Ke'ena Kuleana Ho'okipa o Hawai'i (HTA)
Maenette Ah Nee-Benham	-	Koho 'Ia E Ka Kia 'Āina
Snowbird Bento	-	Kaiāulu
Māpuana de Silva	-	Kaiāulu (hō'ea i ka hola 2:35'au)
Jamie Lum	-	Ke'ena Ho'omohala Waiwai a me ka Ho'okipa (DBEDT)
Richard Onishi	-	'Aha Lunamaka'āinana o Hawai'i

Nā Hoa Kipa:

Maka Casson-Fisher	-	Ke'ena Kuleana Ho'okipa o Hawai'i (HTA)
Ilihia Gionson	-	'Ahahui Ho'okipa 'Ōiwi Hawai'i
Lynn Martin Graton	-	Kaiāulu
Keali'i Haverly	-	Kaiāulu
Dede Howa	-	Kaiāulu
Jonathan Johnson	-	Ke Kahua Moku'āina o ka Mo'omeheu a Pāheona (SFCA)
Aaron Salā	-	Kaiāulu
Mālia Sanders	-	'Ahahui Ho'okipa 'Ōiwi Hawai'i
Kanoe Takitani-Puahi	-	'Ahahui Ho'okipa 'Ōiwi Hawai'i

Nā Limahana:

Margaret Ahn	-	Deputy Attorney General
Marlene Hiraoka	-	DBEDT
Timothy Tiu	-	DBEDT

Nā Mihi:

Jarrett Keohokālolo	-	'Aha Kenekoa o Hawai'i
Makanani Salā	-	Ke Kūlanakauhale a Kalana o Honolulu
Hinaleimoana Wong-Kalu	-	Ke'ena Kuleana Hawai'i (OHA)

HO'OMAKA

Na Luna Ho'omalū Kalani Ka'anā'anā i ho'omaka i ka hālāwai ma ka hola 2:32p.m., nāna i aloha aku i ka po'e ma ZOOM a me Facebook Live.

Noi ka Luna Ho'omalū iā Mr. Aaron Salā e mālama i ka wehena. Mahalo akula 'o Mr. Salā iā Ms. Ah Nee-Benham no ke kono 'ana iā ia. Maopopo iā ia, mālama ma'amau 'ia ka wehena ma ke kaila Hawai'i, eia na'e, noi mai 'o ia inā ua hiki ke mālama 'ia ma ke kaila Kāmoa. Wehewehe maila 'o ia no ke kaila ho'okipa 'o *fale*, he hanana i mālama 'ia ma kekahi wahi ko'oko'i ma ke kūlanakauhale. 'o ka Tauluga, ka mea e hō'ike'ike 'ia ana ho'i, he hula Kāmoa i hō'ike'ike 'ia ma nā 'ano hanana ko'iko'i like 'ole. Ma kēia hulahula 'ana, he 'ōlapa wahine mai ka 'ohana ali'i ka mea nāna e kū 'elele mai no ka hō'ike 'ana i ka mo'omeheu Kāmoa. Nani ke 'ano o ko ka wahine hula 'ana. 'O ka hō'ike'ike 'ana i ka Tauluga, he ala ia e hō'ike ai i ka nani o kaqa mo'omeheu a 'ike ku'una. Ka'analike mai 'o Mr. Salā i wikiō o ka Tauluga i ke komikina.

Mahalo ihola ka Luna Ho'omalū iā Mr. Salā no ke ka'analike 'ana mai i ia wikiō.

Ho'olaha ihola ka Luna Ho'omalū i nā inoa o nā Lālā Komikina, e like me ke noi 'ana a Ms. Ahn.

'ŌLELO HŌ'IKE A KA LEHULEHU

Kono ka Luna Ho'omalū i ka lehulehu e hō'ike mai i ko lākou mau mana'o. Me ka 'ole o nā mana'o i ho'opuka 'ia, ho'omau ka Luna Ho'omalū i kahi kumumana'o a'e.

'ĀPONO I KA MO'O'ŌLELO HĀLĀWAI 23 AUKAKE 2021

Ka'aka'ahi a na'ana 'ia ka mo'o'ōlelo hālāwai hope e nā Lālā Komikina. Noi ka Luna Ho'omalū inā paha pono e ho'ololi a ho'āno hou 'ia kekahi mea. Me ka 'ole o nā leo kū'ē i lohe 'ia, noi 'ia ke 'āpono o ka mo'o'ōlelo hālāwai ma o ke koho pāloka. Penei ke ka'ina o ke 'āpono 'ana: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ia o ka mo'o'ōlelo hālāwai.

KA NŪ HOU NO NĀ WĀ HUI I 'ĀPONO 'IA, ME KA HĀHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Noi mai ka Luna Ho'omalū inā i loa'a he hālāwai 'ē i 'āpono 'ia ma hope o ka hālāwai i hope i mālama 'ia. 'A'ohe pane i lohe 'ia, ho'omau ihola 'oo ia i kahi kumumana'o a'e.

KA HO'OKUMU 'ANA I ADMINISTRATIVE PERMITTED INTERACTION GROUP (PIG)

Noi mai ka Luna Ho'omalū i ke Komikina e ho'okumu i kekahi Komikina Papa Luna Ho'okele e 'imi ai i kekahi Luna Ho'olaule'a. 'A'ole o kēia he hui Permitted Interaction Group (PIG) ma lalo o ka māhele 92-2.5(b), akā, he "Komikina" e ha'i mai ana i ke Komikina piha no nā mea i wala'au 'ia ma waena o nā hālāwai ma ka hālāwai e hiki mai ana, e like nō me ka 'ōlelo a ke Kānāwai 103.

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'aluā, 7 Kepakemapa, 2021 hola 2:30'aiu ma o ka ZOOM
'Ao'ao 3 o 8

Ho'omau ka Luna Ho'omalū me ka 'ōlelo 'ana no ka ho'ouana 'ia o kekahi noi e ho'okumu ai i kēia Komikina Papa Luna Ho'okele i nā Lālā Komikina a pau. Nīnau ihola 'o ia no nā mana'o a nā Lālā Komikina e pili ana i ka ho'okumu 'ana i kēia Komikina hou.

Kāko'o mai 'o Mr. Onishi i ka mana'o o ka ho'okumu 'ana i kēia Komikina hou. Kāko'o pū 'o Ms. Ah Nee-Benham i ia mana'o. Ho'omau 'o ia me ka wehewehe 'ana no ke kuleana nui o kēia Komikina, 'o ia ho'i ka hō'oiā i ka ho'okō 'ia o nā kuleana hana o ia Komikina. 'O ka mua o nā kuleana, 'o ia ka hai 'ana i Luna Ho'olaule'a.

Kuhikuhi ka Luna Ho'omalū i kekahi loihape o ka pākuhi 'oihana i ka'aka'ahi 'ia i nā Lālā Komikina. Ho'opuka 'o ia no ke kapa inoa 'ia o kēia Komikina 'o ia ke Komikina Papa Luna Ho'okele. Ho'omau 'o ia me ka 'ōlelo 'ana no kona makemake e kia ma ke ka'ina hana o ka 'imi 'ana i Luna Ho'olaule'a.

Nīnau mai 'o Ms. De Silva i kekahi mau nīnau. Ho'opuka mua 'o ia no ke kapa 'ia o ke kūlana hana, 'o ia ke kūlana Luna Ho'omalū, ma nā 'ao'ao mua 'elua o kēia palapala noi; eia na'e, ua 'ike 'ia ka ho'okomo pū 'ia 'o CEO ma nā 'ao'ao 'ē a'e o kēia palapala. Hāpai 'o ia i ka mana'o o ka huikau paha o nā moho Luna Ho'olaule'a, 'oiāi he mau kūlana 'oko'a ka Luna Ho'olaule'a a me ka CEO. Ua 'ike mua 'o ia i kēlā pilikia iā ia e hana pū ana me ko Council on Pacific Arts and Culture (CPAC). Hāpai 'ia ka mana'o e aho paha ke kāpae 'ia o ka 'ōlelo CEO mai ia palapala, e ho'ohana wale 'ia 'o Luna Ho'olaule'a. Ho'omana'o akula 'o Ms. De Silva i ke Komikina, 'o kēia ka 13 o nā makahiki i mālama 'ia 'o FestPAC, ke ho'okipa nei 'o Hawai'i i ka po'e he nui, a ke ho'olauka 'i 'ia nei ke Komikina Hawai'i Host e CPAC; he pono ka maka'ala 'ana i nā 'ōlelo e ho'opuka 'ia. Mahalo akula ka Luna Ho'omalū iā Ms. de Silva, me ka 'ōlelo pū 'ana no ka ho'ohana 'ana iā Luna Ho'olaule'a ke wala'au 'ia ia kūlana hana mai kēia mua aku.

Ho'olaha a'ela ka Luna Ho'omalū, 'o ka wā kēia e wala'au ai no ke kumumana'o o ka ho'okumu 'ana i ke Komikina Papa Luna Ho'okele. Na ka Luna Ho'omalū, Ms. Ah Nee-Benham, Mr. Keohokālōle, a me Ms. Bento e komo pū ma kēia Komikina.

Noi mai 'o Ms. Bento no ke koho pāloka ma o ka inoa, no ka ho'okumu 'ana i ke Komikina Papa Luna Ho'okele, kāko'o maila 'o Mr. Onishi i ia mana'o. Penei ke ka'ina o ke koho pāloka 'ana: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ana.

Ho'omana'o Ka Luna Ho'omalū i ke Komikina, 'a'ole o kēia Komikina he hui PIG ma'amau e hāhai ana i nā lula o ia hui, he Komikina nō ia.

KŪKĀKŪKĀ & KE KOHO 'ANA I KA LUNA HO'OLAULE'A

Ho'omōakāka ka Luna Ho'omalū i ka hana a ke Komikina Papa Luna Ho'okele, 'o ia ho'i, na lākou e hai a maka'ala i ka hana a ka Luna Ho'olaule'a, me ka ho'oka'a'ike pū me ke Komikina holo'oko'a.

Mahalo akula ka Luna Ho'omalū i nā Lālā Komikina no ka ho'omākaukau 'ana i ka wehewehena kūlana hana no ka Luna Ho'olaule'a. Kāko'o 'o ia i ke kāpae 'ia 'o CEO ma ka inoa kūlana hana, me ka ho'ohana wale 'ia 'o Luna Ho'olaule'a. Noi mai 'o Ms. de Silva e ho'omōakāka 'ia ka lō'ihī o ka mālama 'ia o kēia kūlana hana Luna Ho'olaule'a, he ho'okahi makahiki anei? Wehewehe mai ka Luna Ho'ommalū, 'oiāi 'a'ole lawa ke kālā mai ka mo'ohelu kālā FestPAC, na ke Ke'ena Kuleana Ho'okipa o Hawai'i (HTA) e kāko'o mai me ke kālā e pono ai no 12 mau mahina. E pono ana ka Luna Ho'olaule'a e ho'oulu kālā no kāna uku ma hope o ia mau mahina he 12.

Noi mai 'o Mr. Onishi e koho pāloka ke Komikina ma o ke kāhea inoa i pa'a ka wehewehena kūlana hana no ka Luna Ho'olaule'a. Kāko'o mai 'o Ms. de Silva i ia mana'o. Penei ke ka'ina o ke koho pāloka 'ana: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ana.

Ho'olaha ka Luna Ho'omalū i ka nui uku o ka Luna Ho'olaule'a, ma waena ia o ka \$150,000 i ka \$180,000 o ka makahiki, me ka mana'o, e lawa ana kēia kālā no ka ho'oholomua pono 'ia o kēia hanana ho'olaule'a. Ke mana'o 'ia nei e ho'oholo like ka Luna Ho'olaule'a a me ke Komikina i ka uku. No ka makahiki mua, he hana 'aelike kēia kūlana hana, na ka moho Luna Ho'olaule'a e uku i ka 'auhau, ka 'inikua olakino, apwa. 'O ia ihola nā pōmaika'i e hā'awi 'ia inā 'ae 'ia e hana ma kēia kūlana.

Noi 'ia ke koho pāloka ma o ke kāhea inoa e Ms. Bento, e 'aelike ke Komikina ma ka nui kālā e uku 'ia ka Luna Ho'olaule'a. Kāko'o 'o Ms. Ah Nee-Benham i kēia mana'o. Penei ke ka'ina o ke koho pāloka 'ana: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ana.

Hō'ike mai ka Luna Ho'omalū no ka pono e ho'okā'oi 'ia o ka mo'ohelu kālā ho'olaule'a i lawa ke kālā e uku ai i ka Luna Ho'olaule'a. Hāpai 'o ia i ka mana'o o ke kolikoli 'ana i ka helu i 'oi aku ka nui (i ka \$180,000 ho'i) ke ho'omākalakala hou 'ia ka mo'ohelu kālā.

Noi 'o Mr. Onishi i ke koho pāloka 'ana ma o ke kāhea inoa, no ke 'āpono 'ana i nā loli i ka mo'ohelu kālā no FestPAC, kāko'o 'o Ms. Bento i ia mana'o. Penei ke ka'ina koho pāloka 'ana no ia mau loli: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ana.

Ho'olaha ka Luna Ho'omalū no ko ka 'Ahahui Ho'okipa Hawai'i hai 'ana i ka Luna Ho'olaule'a no 12 mau mahina, inā nō 'aelike 'ia ka moho e ke Komikina kekahi.

Noi 'o Mr. Onishi e koho pāloka ma o ke kāhea inoa, no ke 'āpono 'ia o ko ka 'Ahahui Ho'okipa Hawai'i hai 'ana i ka Luna Ho'olaule'a me ka 'aelike 'ana o ke Komikina ma ia koho. Kāko'o mai 'o Ms. Bento i ia mana'o. Penei ke ka'ina o ke koho pāloka 'ana: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ana.

KŪKĀKŪKĀ & KE KOHO 'ANA NO NĀ KAHUA HO'OLAULE'A

Wehewehe mai ka Luna Ho'omalū no ka pono e ho'oholo 'ia o kekahi mau mana'o, me ka 'ole o ka ho'ololi 'ana i ka mana'o mai kēia mua aku, 'oiāi, pono pū e ho'oholo 'ia he mau mea no nā wahi e koho 'ia ana.

No ka 'Aha Wa'a, ua hāpai 'ia he 'elua mau wahi 'oko'a: (1) Ala Moana – Magic Island, a me (2) Ke'ehi Lagoon, ua noi 'ia nā Lālā Komikina e ho'opuka mai i ko lākou mau mana'o. Wahi a Ms. Bento, 'oiāi kokoke kēia mau wahi kekahi i kekahi, 'o Ala Moana-Magic Island kāna koho mua. Nīnau maila 'o Ms. de Silva inā ua hiki ke koho pāloka ma ho'okahi wahi, a laila e koho pū 'ia he wahi 'elua inā kupu mai kekahi hihia ma ka ho'opa'a 'ana i ka wahi mua. Kāko'o akula 'o Mr. Onishi i ko Ms. de Silva mana'o. Ho'omau 'o ia me ka 'ōlelo 'ana, aia nō a koho 'ia he wahi, e pono ana e kāinoa no ka palapala 'ae no ia wahi i hiki ke ho'ohana 'ia no FestPAC. E aho paha ka loa'a o kekahi wahi pani hakahaka inā nō hō'ole

'ia ka palapala 'ae no Ala Moana – Magic Island. Mea mai 'o Ms. de Silva, na ke Komikina holo'oko'a e koho pālōka i ka wahi 'elua e ho'ohana 'ia inā kupu mai he hihia me ka wahi mua.

Noi 'o Mr. Onishi i ke koho pālōka ma o ke kāhea inoa, e ho'ohana 'ia 'o Ala Moana – Magic Island no ka 'Aha Wa'a, a e ho'ohana 'ia 'o Ke'ehi Lagoon inā 'a'ole hiki ke ho'ohana 'ia ka wahi mua. Kāko'o 'o Ms. de Silva i ia mana'o. Penei ke ka'ina o ke koho pālōka 'ana: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ana.

Ho'omau akula ka Luna Ho'omalū i kahi kumumana'o a'e; ka mālama 'ana i ka 'Aha 'Awa ma ka Hale Hō'ike'ike 'o Pīhōpa, a i 'ole paha ma Kūkaniloko. Koho akula 'o Mr. Onishi i ka Hale Hō'ike'ike 'o Pīhōpa 'oiai e loa'a ana he mau hihia inā koho 'ia 'o Kūkaniloko. Ma ka Hale Hō'ike'ike 'o Pīhōpa, hiki ke ho'ohana 'ia ka Atherton Hālau inā nō nui ka loli 'ana o ke anilā. 'O ia ke kumu nui o ke koho 'ana paha i ka Hale Hō'ike'ike 'o Pīhōpa. Komo pū ka Luna Ho'omalū me ka hāpai 'ana i ka mana'o o ka lawa 'ole o nā wahi ho'okū ka'a, nā lua, apwa. Me ia mana'o, hiki ke 'ike 'ia ka pa'akikī o ka mālama 'ana i ka 'Aha 'Awa ma laila. Kāko'o mai 'o Ms. de Silva i ia mau 'ōlelo me ka hāpai pū 'ana no ka lawa 'ole o ka lumi ma laila, inā i emi mai ka nui kānaka e komo ana ma kēia 'aha, ua hiki ke ho'ohana i ia wahi. Kāko'o pū 'o Ms. Bento i kēia mau mana'o 'oiai, ua mana'o mua 'ia, na ka 'ohana ali'i a me kekahi mau kānaka kiko'i wale nō nā kānaka e komo pū ana ma ka 'Aha 'Awa, 'a'ole ia he hana a ka hui nui. 'O ka Hale Hō'ike'ike ma Pīhōpa (ma waho ho'i) kahi kūpono e mālama ai i ka 'Aha 'Awa.

Noi mai 'o Ms. Ah Nee-Benham e koho pālōka ma o ke kāhea inoa, e ho'ohana 'ia ka Hale Hō'ike'ike 'o Pīhōpa (ma waho ho'i) no ka 'Aha 'Awa, a e mālama 'ia 'o Kūkaniloko ma ke 'ano he pani inā kupu mai he hihia me ka wahi mua. Kāko'o 'o Ms. Lum i ia mana'o. Penei ke ka'ina o ke koho pālōka 'ana: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ana.

Ho'opuka maila ka Luna Ho'omalū no ka wala'au mua 'ia o ka ho'ohana 'ana i ka Hale Ali'i 'o 'Iolani no ka 'Aha Wehena, eia na'e, makemake 'o ia e hāpai i ka ho'ohana 'ia 'o ka Hawai'i Convention Center (HCC) ma ke 'ano he pani, a i 'ole paha, kahi e mālama 'ia 'ana ke Kahua Ho'olaule'a. Kāko'o 'o Ms. Bento i ka mana'o o ka mālama 'ana i ka HCC ma ke 'ano he pani no nā 'Aha Wehena a Panina.

Noi mai 'o Ms. Lum i ke koho pālōka ma o ke kāhea inoa, e ho'ohana 'ia ka Hale Ali'i 'o 'Iolani no ka 'Aha Wehena, a 'o ka HCC ka wahi pani hakahaka inā kupu mai he hihia me ka wahi mua. Kāko'o mai 'o Mr. Onishi i ia mana'o. Penei ke ka'ina o ke koho pālōka 'ana: Luna Ho'omalū Ka'anā'anā, Ms. de Slva, Ms. Lum, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ana.

Ho'omau ka Luna Ho'omalū me ka 'ōlelo 'ana no nā wahi e koho ai no ke Kahua Ho'olaule'a. Nīnau 'o ia i ke Komikina Wahi, inā ua ho'oka'ina 'ia nā kūlana mai nā wahi i make'e nui 'ia i nā wahi 'a'ole make'e nui 'ia. Wahi a Mr. Onishi, ua wala'au nui 'ia kēlā me kēia wahi. 'O ka HCC kahi mua i palapala 'ia 'oiai ua mālama 'ia he pū'ulu kālā no ka ho'olimalima 'ana i ia wahi, me ka mana'o, e pa'akikī ana paha ka ho'opa'a 'ana iā Kapi'olani Pāka a i 'ole iā Ala Moana – Magic Island no kēlā wā holo'oko'a 'o FestPAC. E pono ana ka Papa Luna Ho'okele Kaihome e 'āpono i ia mau wahi 'elua (Kapi'olani Pāka a me Ala Moana-Magic Island ho'i), a no Kapi'olani Pāka, e pono ana ko Kapi'olani Pāka Preservation Society e 'āpono i nā palapala 'ae pū kekahi. 'Oiai ke noi 'ia nei e ho'ohana 'ia ka Pāka no ho'okahi mahina i hiki ke kūkulu a wāwahi, e pono ana e loa'a mai he 'āpono mai ka 'Aha Kūkā Kalana mai

kekahi. Ua nui ko ke Komikina Wahi no'ono'o 'ana i ka papaha o ka 'ae a hō'ole 'ia paha o ka ho'olimalima 'ana i ia mau wahi 'elua, 'oiāi, ho'ohana nui 'ia e ka lehulehu.

Ho'opuka mana'o 'o Ms. Bento me ka 'ōlelo 'ana no ka nui o nā kānaka e makemake ana e hula ma ka 'āina. Me ia mana'o, ua hiki paha ke kūkulu 'ia he awai. Nui kūpono ka Exhibition Hall ma HCC? E hiki ana paha ke lawe mai i ka 'āina i loko o ia wahi? Nīnau ka Luna Ho'omalū iā ia pehea ka nui o ka po'e e makemake ana e hula ma ka 'āina? Mea mai 'o Ms. de Silva, 'oiāi ua mālama ma'amau 'ia ke Kahua Ho'olaule'a ma waho, 'a'ole hiki ke ho'omākalakala pono 'ia ia heluna po'e. Maopopo iā Ms. de Silva kau palena 'ia ka nui kālā i hiki ke ho'olilo 'ia, eia na'e, i kona mana'o, e aho paha ka ho'oli'ili'i 'ia o ke Kahua Ho'olaule'a i hiki ke mālama 'ia i waho. Hāpai 'o ia i ka mana'o o ka mālama 'ana paha i ke Kahua Ho'olaule'a ma ke kikowaena o ke Kulanui o Hawai'i ma Mānoa (UHM). Kāko'o 'o Mr. Onishi i ia mana'o, e aho paha ke kūkākūkā 'ana no ka ho'ohana 'ia o ua wahi. Kāko'o 'o Ms. Ah Nee-Benham i ia mau mana'o, me ka 'ōlelo pū 'ana no kona hele mua 'ana i ko Mānoa kikowaena no nā 'ano hanana like 'ole, a 'o kahi mea hou aku, hiki paha ke ho'ohana 'ia kahi mau hale 'ē a'e o laila kekahi, e la'a ho'i me ka East-West Center. Paipai akula 'o Ms. Ah Nee-Benham i ka ho'opa'a hālāwai 'ana me ko UH mā no ke kūkā kama'ilio 'ana e pili ana i kēia mana'o. 'O kahi nīnūnē a Ms. Bento i hāpai ai, ua pili i ka lako 'ole o nā wahi kuapo lolo. Eia na'e, inā e noho ana nā hoa kipa ma ko UH mau hale, e hiki ana iā lākou ke ho'omākaukau mua ma nā lumi, a laila e hō'ea lākou ma nā 'a'ahu nani. 'O kahi mana'o hou aku, 'ōlelo 'ia he hale nani ka Andrews Ampitheatre, i hiki ke ho'ohana 'ia ma UHM.

Ma hope o ka ho'olohe 'ana i ia mau mana'o, noi mai ka Luna Ho'omalū i ke Komikina Wahi e na'ana hou i nā wahi no ke Kahua Ho'olaule'a. Kāko'o 'o ia i ka mana'o o ka mālama 'ana i ke Kahua Ho'olaule'a ma waho, eia na'e, he wahi maika'i 'o HCC no nā hana 'ē a'e. Nīnau akula 'o ia i ke Komikina Wahi e wala'au hou aku no nā mana'o i hāpai 'ia i kēia lā. 'Ōlelo maila 'o Mr. Onishi no ka hiki ke ho'ohana 'ia o ke kaupoku ma HCC. E hiki ana paha ke kūkulu 'ia he kahua me ka lepo ma luna, eia na'e, he hana pipi'i paha ia. Ua no'ono'o 'ia ka ho'ohana 'ana iā HCC no ke Kahua Ho'olaule'a 'oiāi 'o ia kahi ma'alahi loa e mālama ai i ia hanana.

Hāpai ka Luna Ho'omalū i ka mana'o o ka hui 'ana paha o ke Komikina piha e wala'au hou aku ai no ke Kahua Ho'olaule'a, a inā pēlā, e wala'au 'ia ma ka hālāwai 'o Kepakemapa 27, 2021.

Hāpai hou ka Luna Ho'omalū i mana'o, 'o ia ho'i, ka mālama 'ia o ka 'Aha Panina ma ka Kapi'olani Pāka, me HCC ma ke 'ano he pani inā kupu mai he hihia me ka ho'opa'a 'ana i ka wahi mua.

Noi mai 'o Mr. Onishi i ke koho pāloka ma o ke kāhea inoa, e ho'ohana 'ia 'o Kapi'olani Pāka no ka 'Aha Panina, a 'o HCC ka pani inā nō kupu mai he hihia me ka wahi mua. Kāko'o maila 'o Ms. Bento i ia mana'o. Penei ke ka'ina o ke koho pāloka 'ana: Luna Ho'omalū Ka'anā'anā, Ms. de Silva, Ms. Lum, Mr. Onishi, Ms. Beno, Ms. Ah Nee-Benham.

Ua lōkahi ke 'āpono 'ana.

'ŌLELO HŌ'IKE A KA LEHULEHU

Noi mai ka Luna Ho'omalū i ka lehulehu e hō'ike mai i ko lākou mau mana'o.

Hāpai 'o Mr. Salā i ka mana'o o ka mālama mua 'ia o nā hana ho'omana ma nā hanana i hala. Nīnau akula 'o ia inā he koina ka mālama 'ia o kēlā ma ka papahana o ka hanana. Pane mai ka Luna Ho'omalū me ka 'ōlelo 'ana, ke ho'oholo 'ia nei nā mea nui o kēia papahana. Aia nō a pa'a ia māhele o ka papahana, hiki ke ho'oholo 'ia nā lāli'i 'ē a'e o ka hanana.

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'alua, 7 Kepakemapa, 2021 hola 2:30'aiu ma o ka ZOOM
'Ao'ao 7 o 8

Me ka 'ole o nā mana'o i ho'opuka 'ia, ho'omau akula ka Luna Ho'omalulu me ka ho'olaha 'ana i nā lāli'i
o ka hui hou 'ana.

NĀ HO'OLAHA

Ho'olaha ka Luna Ho'omalulu no ko Mr. Salā 'i'ini e kōkua i ke Komikina no ka manawa, a hiki i ka hai
'ana i ka Luna Ho'olaule'a. Mahalo akula 'o ia iā Mr. Salā.

Mahalo akula 'o Ms. de Silva i nā Lālā Komikina no ka hui 'ana ma waho o kēia mau hālāwai i hiki ke
ho'oholomua 'ia ka hana. Mahalo akula' o ia i ka Luna Ho'omalulu no ka ho'ā'o 'ana e 'imi i ala e mālama
ai i ke Kahua Ho'olaule'a i waho.


KA HO'OPA'A HĀLAWAI – PŌ'AKAHI, 27 KEPAKEMAPA 2021

Ho'olaha ka Luna Ho'omalulu, inā he mau mea hou aku he pono ka wala'au 'ia, e ho'ouna aku i kēlā
'ikepili iā Ms. Sanders lāua 'o Mr. Tome, i hiki ke ho'okomo 'ia ma ka papa kumumana'o. Ua noi pū 'o
ia e mākaukau nā Lālā Komikina e koho pāloka i kahi hālāwai a'e, no ka ho'oholo 'ana ma ke Kahua
Ho'olaule'a.

HO'OKU'U

Ho'oku'u 'o Luna Ho'omalulu Ka'anā'anā i ka hālāwai ma ka hola 3:37'aiu.

Me ke aloha e waiho 'ia nei,



Kalani Ka'anā'anā
Luna Ho'omalulu

09/24/2021

Lā